

南宮奏議

南宮奏議卷第十二目錄

郊社

恭進大報等祀日冊儀

欽奉 勅 泰享殿肇工

增拓 泰神殿制請定日興工

皇穹宇成奉安 神御位 配位儀

請遣官奉安 皇穹宇神位

奉安 皇穹宇神位禮成復 命

請定 躬禱郊雩禮儀

雩祀儀注

南宮奏謝

元卷十二目錄

鈔山堂

請定雩祀樂舞

神祇壇改正嶽鎮海瀆神牌

南宮奏議卷第十二

鈴山堂集五十二

郊社

恭進大報等祀日冊儀

嘉靖十八年八月十四日本部題該嘉靖十九年大報等祀日冊例於嘉靖十八年九月朔日奏進查得先奉聖諭祀冊就着具冊副看仍來月朔進之欽此欽遵行據欽天監選擇嘉靖十九年大報等祀吉期前來臣蒿謹恭錄冊副上進御覽伏乞聖明詳定發下登載日冊恭候九月朔日奏進其來歲季秋大報吉期奉有聖諭臨期卜吉茲該監未敢擅

南宮奏請 卷三 一  
定伏乞 聖裁等因奉 聖旨是欽此今日該文書

房官齋捧 聖諭發下原奏并冊副到 臣臣 恭具吉

服焚香叩首捧領訖仰惟 皇上欽 天重祀 臣忝

冒禮官恭承綸命無任榮幸悚息之至伏奉 御批

大享用九月六日 臣 謹遵登載日冊恭候進呈謹具

題以聞

欽定儀

一每歲九月朔大宗伯以大報等日期告于 皇帝

前期于本衙門宿鴻臚寺卿具請御殿及設案奉天

殿中是日百官公服侍班 皇帝服皮弁大宗伯具

朝服自午門中道行捧祀日冊立置于案 皇帝就案先立定大宗伯跪奏曰嘉靖十九年分大報等祀日冊請敬之 皇帝搢圭取而恭視訖序班舉案置于華蓋殿中 皇帝陞座百官叩頭如常禮畢

欽奉 勅泰享殿肇工

嘉靖二十一年四月初六日欽奉 勅諭朕惟三代之禮至周大備後世治不古若乃因陋就簡焉朕究覽古初斟酌百代惟文武是憲是式故 郊正分祀廟隆特享宋儒朱熹所謂大事者朕所尚重之惟是季秋大享于明堂此周禮重典與郊祀並者也數

歲以享地未定特舉祭於玄極寶殿朕誠猶未盡  
惟茲南郊舊殿原爲大祀之所今禮既是正則故構  
不當襲留昨歲已令有司悉撤之朕自作制象丘爲  
殿恭薦名曰泰享用昭寅奉上帝之意庶完古典  
乃今肇工爾禮工二部如勅奉行欽此臣等竊惟自  
昔聖皇御宇靡不盡倫備制以爲民極然禮有因時  
而定制有偕物而新故三代之禮至周大備我皇  
上德崇虞舜制憲姬周郊正分祀而天明地察之  
道弘廟隆特享而尊祖敬宗之義盡宋儒朱熹所  
謂天下大事千載無有能舉之者蓋至於我皇上

煥乎畢舉而無以加矣然禮莫大于事天孝莫大于  
嚴父而嚴父莫大于配天此明堂所由作也蓋郊以  
事天尊之也而配之以祖亦所以尊祖也明堂以享  
帝親之也而配之以父亦所以親父也尊尊而親親  
此周禮之爲大備而周公之爲達孝也頃歲我 皇  
上以郊廟禋禮大成乃定明堂大典歲以季秋大享  
上帝而奉 皇考睿宗獻皇帝配享焉惟是數歲享  
地未定故舉登於玄極寶殿雖對越之誠已孚而明  
堂之位未協 聖心見道分明析禮精微乃即南郊  
大祀之基鼎崇親構恭薦鴻名位應明離法象玄宇



仰惟 聖人在天子之位議禮制度恢闡上儀蓋至是而古典始完是宜臣鄰駿奔民庶子來竭萬國之歡心以成一人之大孝者也臣等敢不祇承休命除行欽天監擇吉興工一應合行事宜容臣等另行具題外今將原奉 勅諭一道進繳謹具題知四月十一日奉

聖旨候諭行

增拓 泰神殿制請定日興工

嘉靖十七年十月二十四日該勳輔四臣同臣蒿恭隨 聖駕于南郊恭詣 泰神殿閱視當蒙 面諭

頃者殿制初建弗稱尊崇宜加增拓隨奉 欽定北  
面生二丈東西每邊生五丈圓徑三丈增築臺基高  
九尺踏垛十五層殿高照舊左右配殿各五間前門  
三券額扁曰皇穹宇欽此 臣等仰惟 皇上尊事

皇穹特厯睿思載嚴峻宇丕拓鴻規足稱欽崇至意  
茲者秋序方臨物成時爽理合具題上請伏乞 欽  
定大良日期肇興工役候命下本部行令所司各欽  
遵敬慎從事嘉靖十八年七月初五日奉  
聖旨候旨行

皇穹宇成奉安 神御位 配位儀

嘉靖十八年八月十二日欽奉 聖諭於南郊祇建

皇穹宇該本部題奉欽依遣官暫奉安 上帝神

御位 配位從位于蒹殿今照 皇穹宇落成在邇

所有奉安禮儀理合題請施行 臣等仰惟 皇上尊

事 帝天載宏穹宇茲者厥工告竣萬年之鴻構已

成一代之上儀大備誠足以妥有赫之靈肇無前之

典者也 臣等不勝欣仰贊慶之至查得先年 泰神

殿工完該本部尚書夏言奉有 聖諭泰神殿石座

既成朕當親徃行奉安禮欽此已經本部欽遵具儀

題請施行外今者恭覩 皇穹宇落成 臣等恭請

聖駕親詣南郊舉行奉安之禮伏候命下本部行令  
欽天監選擇大吉日期施行嘉靖十九年六月二十  
二日奉

聖旨待九月朕躬安奉

請遣官奉安 皇穹宇神位

先該本部題稱 皇穹宇落成恭請 聖駕親詣  
南郊舉行奉安之禮等因奉 聖旨待九月朕躬詣  
安奉欽此本年八月二十日節該欽奉 勅諭朕權  
如常靜理 郊廟大典奉候處分欽此爲照 皇穹  
宇落成先該本部具題奉有明旨躬詣安奉但今

聖躬方在靜理合無暫遣重臣恭代奉安行禮臣等  
理合題請伏候 聖裁命下行令欽天監擇吉舉行  
嘉靖十九年八月二十九日奉

聖旨 泰神上位久未奉安朕心日惕但多時已過  
今去大報不遠恭候至期諭行

奉安 皇穹宇神位禮成復命

嘉靖十九年十一月十五日冬至大祀 天子 園

丘該太常寺題奉欽依命臣蒿請 神上香行禮臣

潮臣承恩充導引官臣等欽遵謹率太常寺官各加

敬慎先詣薦殿各恭捧 正位 配位以及從位恭

詣園丘安設虔誠行大報禮畢隨各欽捧至皇  
穹宇各安奉于廕室仰惟大禮告成臣等無任慶幸  
之至謹具題以聞

請定躬禱郊雩禮儀

嘉靖十七年四月十七日該輔臣李時等面會臣蒿  
捧讀聖諭近少旱朕正憂禮部已請命所司致禱  
外又聞近郊小民踣斃心加憂之朕處人上罪在朕  
躬即今十八日爲始與卿等齋心潔慮禁止屠宰三  
日青衣辦事二十一日朕躬禱郊雩目會蒿示群臣  
知之勿忽十八日暫罷朝一日欽此欽遵仰惟我

皇上恩覆黎元志勤稼穡天時亢暵宸慮憂勞遽形  
罪已之詞亟致籲神之禱此誠聖帝明王視民如傷  
之盛心也

臣

嵩即已出給告示宣示百官咸令知悉

外所據

躬禱郊雩禮儀

臣

查得嘉靖十二年五月

內崇雩壇告成該本部具儀上請奉 聖旨是依擬

行今奉前因查得前項儀注凡遇一歲亢暵禮部奉

行欽天監擇仲夏吉日舉行前期五日太常寺奏請

欽命文武大臣視牲前期三日告請 太祖配

神但目今已奉 聖諭二十一日致禱期已迫促則

於禮文儀節之詳未能悉備合無視牲告 祖俱於

前期一日其正祭禮儀應否照舊儀用牲幣樂舞以祭服行事惟復照常祭告儀以青服行事伏乞 聖明裁定嘉靖十七年四月十八日奉

聖旨茲禱甘澤乃修省之事只宜青衣上香進帛三獻八拜成禮百官陪拜未可用所開全儀亦不必奉祖配便具此儀來行祭用酒果脯醢牛一以熟薦

### 雩祀儀注

臣等欽奉聖諭仰遵 皇上修省至意一應合行禮儀務從簡約以示貶損謹開坐上請伏候命下遵行  
嘉靖十七年四月二十一日 上親禱于崇雩壇翰



林院撰祝文前期一日遣官祭告于景神殿如常儀  
太常寺預設酒果脯醢香帛于崇雩壇牛一以熟薦  
設上拜位于壇壝正中錦衣衛設隨朝駕不除道  
是日昧爽免朝上具青服御奉天門太常寺官跪  
奏請聖駕詣崇雩壇上陞輿護駕官校侍衛如  
常儀百官各具青服先於南天門外候迎上乘輿  
至昭亨門西降輿過昭亨門東上乘輿至崇雩壇  
門西降輿導引官導上入崇雩壇門內贊對引官  
導上行典儀唱執事官各司其事內贊奏就位  
上至拜位典儀唱迎神內贊奏陞壇導上至香案

前奏跪奏上香 上三上香訖奏復位奏四拜

傳贊

百官同

典儀唱奠帛行初獻禮內贊奏陞壇導上

至神御前奏獻爵訖奏獻爵訖奏詣讀祝位奏跪

傳贊

贊百官皆跪

贊讀祝訖奏俯伏興平身

傳贊百官同

奏復位典儀唱行亞獻禮內贊奏陞壇導上至神

御前奏獻爵訖奏復位典儀唱行終獻禮

儀同亞獻

典儀唱送神內贊奏四拜

傳贊百官同

典儀唱讀祝

官捧祝進帛官捧帛各詣燎位內贊奏禮畢導引官

導上出至幕次少憩 駕還宮嘉靖十七年四月

十八日奉

聖旨是以中夕行事

請定雩祀樂舞

嘉靖十二年五月該本部題崇雩壇告成其合行儀注增設樂舞一應事宜俱經奉有欽依遵行外目今天時亢暵<sub>臣</sub>等擬欲恭請 皇上舉行雩祀盛典而儀物未備隨據太常寺手本開稱崇雩壇增設樂舞製造舞衣羽旄等項先奉欽依行移各該衙門造辦去後俱未造送等因到部<sub>臣</sub>等謹按古者龍見而雩乃建巳之月萬物始盛待雨而長聖人爲民之心切故祭天遠爲百穀祈膏雨也與啓蟄之郊其意同然

樂則必用盛樂與他祭獨不同通典曰祭於南郊之  
旁命樂正習盛樂舞皇舞蓋樂舞者所以振盪聲容  
宣暢和氣詔告天地感通神明冀其陰陽和而雨澤  
始降也查得先年本部議擬正樂之外神樂觀增設  
鼓吹數番選教舞童百人青衣執羽繞壇周旋歌雲  
門之曲而舞曲凡九成而終又查得已經撰有歌章  
頒之該寺惟是一應舞衣羽旄等項未經造辦仰惟  
皇上憲則古先敦崇祀典諸所爨章煥然大備而  
恭建崇雩壇於園丘之旁以祀天禱雨爲民祈福誠  
措王之重務勤卹民隱之盛心也但今壇制雖成儀

物尚未完備豈非有司者之責歟臣等仰承德意稽覈舊文理合申明題請恭候命下行移各該衙門將應用舞衣羽旄等項作速造辦如制給送該寺其選教舞童一節查得四郊九廟朝夕月及歷代帝王等壇見在樂舞生通計二千二百名屢據該寺呈稱各生在邈尚且名數短少選補不敷今若再加增設愈益浩繁非惟收選之難抑且經費之冗臣等以爲各壇舞生雖係分設既定要之舉祀供役自非併集一時似可通融兼習不必復有增設合無行令該寺就於見在樂舞生二千二百名內揀選年幼質秀者

百名以充雲壇之數本部劄仰該寺堂上官一員專  
一提督教演務要音節詳明聲容閑習以俟緩急應  
時而用庶幾 聖明鉅典蕪總條貫靡有闕遺我  
皇崇祀爲民之心可少慰矣嘉靖十七年四月二十  
二日

神祇壇改正嶽鎮海瀆神牌

嘉靖十八年六月初四日 臣 嵩欽奉 面諭神祇壇

嶽鎮海瀆神牌石龕俱着改正北向欽此 臣 等仰惟

皇上正禮安神睿思精當茲以五嶽五鎮四海四  
瀆神牌石龕改正面坎背離允合從陰之義謹欽遵

傳諭該寺遵行訖謹具題以聞

南宮奏議卷第十二

南宮奏議卷第十三目錄

宗廟

議 廟建事宜

請暫安 列聖神主於 景神殿

奉題 成祖 仁宗神主儀

內殿奉安 列聖神主儀

請定 睿宗廟捧 主儀

豐坊請定不遷之宗覆議

奉 列聖忌祭儀



南宮奏議卷第十三

鈴山堂集五十三

宗廟

議 廟建事宜

嘉靖二十年四月初五日之夕 宗廟災該本部具  
題內開宗廟禮當修復特請停止內外一切工役蓄  
力預材以圖大舉等因荷蒙俞旨勅下所司停止一  
切工程復蒙特降 勅諭暫止大享殿大工用圖專  
力廟建欽此欽遵外今該翊國公郭勛奏爲順天時  
處天變速建宗廟以成 皇上孝道事奉 聖旨  
宗廟奉先極大典禮誠不可緩禮部會官議具來聞

欽此臣等看得翊國公郭勛所言欲請勅工部會同  
府部科道及內官監掌印官公同踏勘各廟臺基并  
所遺石料等項奏請處分一節除行工部勘處施行  
外欽惟 廟建大典臣等祇承休命謹會議得禮莫  
大於宗廟我國家七廟之建實由我 皇上稽古作  
制遠紹三代一正相沿之謬屢經廷議斷自 聖衷  
積數載之勤捐數百萬之費以庀茲役而今者上天  
降虐回祿挺災遂使鴻構崇規一旦煨燼何以慰  
祖宗在天之靈何以副 皇上孝享嚴禋之盛此臣  
等夙夜兢惕而不敢遑中外臣民咸謂所當修復而

不可已者也然臣等切惟制事當審緩急之宜施爲要識先後之序成大事者必上順天道下協人情方今天戒所當畏而修省之念方新民窮所當軫而寬恤之詔初下故廟建不可緩也而勢亦不容以亟也且興舉大役財力爲先夫天子以天下爲家合萬國之奉以爲祀先之圖豈憂財力之不足惟在調度有經不至妄費耳臣等曰財力非所慮也各廟規舊制或限於地址於茲更創之期或稍爲展拓之計但興工尚遠徐可諮圖臣等曰規制非所急也今日之事獨有材木爲難蓋大木產於湖廣四川其千仞名

材必處鳥道崎嶇人跡罕至之地而後能久存今斧斤伐之絕壑窮崖凡幾轉歷而後可達水次又泝江濤越萬里而後可達京師水陸搬運歲月難計此首當預爲之所也合行工部查盤見在水礮并水次堪用者若干今合用若干會計量度常使有餘該部即便會推有才力經濟大臣一員請勅專督其事仍選差屬官數員分投作速前去合謀協力待其採取既完發運有緒奏報前來禮部題請降勅擇日興工其合用石料物料等項事宜工部一面區畫奏請營辦庶幾事預論定用力于休養之餘皮材于充積之後

一舉手而衆庶子來一經費而泉貨山集將見天人  
協應侑奐聿新而 皇上奉先孝享之盛心可仰慰  
矣臣等再惟目今各廟神主恭安于 景神殿暫即  
九室之安以奉烝嘗之薦 皇上一念力圖修復之  
誠 列聖神靈固已昭格而慰歆矣伏望 皇上少  
寬聖慮順變安衆以需惟永圖嘉靖二十年五月初  
三日奉

聖旨興建 宗廟朝廷急重典禮莫切于此朕心皇  
皇弗寧惟是爲大你每會議的是採木誠爲首務工  
部便會官推舉有才力大臣兩三員來看其餘都依

擬

請暫安 列聖神主於 景神殿

臣等爲照昨者 宗廟之火起於東北故 成祖廟

仁廟神主火勢封門不能恭捧以出號籲莫及矣

太廟 宣廟 英廟 憲廟 孝廟 武廟神主俱

得捧出安全目今合無暫請奉安于 景神殿恭請

皇上行奉慰祭告禮所有 成祖廟 仁廟神主

合即行該監擇吉恭製又 皇考睿廟歸然完好此

亦足以少慰聖情但未免神靈震驚禮宜安慰俱候

命下欽遵施行嘉靖二十年四月初六日奉

聖旨 皇祖列聖神主暫奉安于景神殿即行奉慰  
禮 成祖 仁宗神主便急恭製詣 陵奉題還安  
各廟儀物所司即行補造

奉題 成祖 仁宗神主儀

本月初五日夜伏值宗廟之災 成祖廟 仁廟當  
火勢初起神主一時延燬號籲莫及隨該本部題請  
擇日恭製節奉 聖旨 成祖 仁宗神主便急恭  
製詣 陵奉題還安欽此除即行該監欽遵恭製外  
臣等切惟題主於墓而厝之於朝此古禮也茲奉  
聖旨重製 二聖帝后神主詣陵奉題還安仰惟

聖見超卓誠得先王制禮之精義所有遣官奉題祭告并迎主奉安一應禮儀合行開坐上請恭候命下欽遵施行 一本月二十一日 長陵 獻陵恭題

神主合用命官四員 一前期所司詣陵恭製

神主 一是日質明遣祭官具青服行祭告禮如常儀內侍官設題主案于 祔恩殿西向奉木主置案上中書官恭書 尊謚訖題主官盥手恭題主畢遣祭官同內侍官捧主置于神座上遣祭官跪太常卿跪于左奏云請 成祖啓天弘道高明肇運聖武神功純仁至孝文皇帝神靈上神主又太常卿跪于右



奏云請 仁孝慈懿誠明莊獻配天齊聖文皇后神  
靈上神主訖遣祭官俯伏興遣祭官更吉服即行朝  
奠禮畢太常官跪奏云請 成祖文皇帝 仁孝文  
皇后降座陞輿還京遣祭官同內侍官奉 神主陞  
輿進行儀仗侍衛如儀遣官後隨次玄福宮神御幄  
行夕奠禮同前次日還京 獻陵告祭題主 儀俱同

神主還京所司先期于土城外設幄次 神主至  
百官行叩頭禮 神主啓行大樂前導 設而不作百

官從後至承天門外樂止神主入午門儀衛百官退  
上常服奉迎由左順門東華門東上門東上南門

永泰門入 景神殿東門行安 神禮如時祫禮儀  
于 永孝殿 惟不用樂 畢奉主還 景神殿 上至  
幄次少憩公侯伯駙馬九卿堂上官皇親指揮以下  
陪拜嘉靖二十年四月十二日奉  
聖旨定命官候別諭

內殿奉安 列聖神主儀

臣等節奉 聖諭廟主宜奉安內殿可少俟 皇伯  
妣禮訖舉行欽此 臣等查得嘉靖十四年二月內營  
建 七廟節該遵奉欽依恭請 列聖帝后神主于  
奉先殿奉安外茲者 孝康敬皇后神主祔廟禮訖

所據奉遷神主事理臣等惟國家奉先之禮有宗廟  
 以象外朝有內殿以象內寢茲方有事于廟建聖  
 諭欲行奉遷廟主于內殿以俟宗廟之成委爲得理  
 之正臣等欽遵謹將一應禮儀開坐上請伏乞聖  
 明裁定勅下各該衙門一體遵行一行欽天監擇  
 奉遷吉日一太常寺備辦告景神殿并奉安內殿  
 祭品香帛翰林院撰祝文一太常寺請命捧帝  
 主大臣十二員捧后主內臣十二員各具祭服  
 一前期一日司設監會同內閣禮部太常寺官恭詣  
 內殿陳設神座等項一至日司設監備神主金

輿并冊寶亭衣冠亭各十二座于景神殿門外候行  
告奉遷禮畢各官捧冊寶衣冠安置訖亭內後隨  
一錦衣衛設傘扇儀衛導從如儀 一神主輿冊寶  
等亭由端門午門奉天門中左門後左門至內殿門  
外儀衛退捧 主官各捧 神主奉安于奉先殿畢  
行奉安禮 一至日司設監備 神主金輿一座于  
睿宗廟門外候 列聖帝后主出捧主官捧 睿  
宗廟帝后神主由中門出以次奉入內殿行奉安禮  
畢 主還廟儀衛導從如初嘉靖二十年十一月十  
四日奉

聖旨是

請定 睿宗廟捧 主儀

嘉靖十七年十月初五日恭遇時禋享宗廟該太常寺題奉 聖旨着文武大臣張溶陳鏊夏言顧鼎臣許讚張瓚嚴嵩毛伯溫各捧 主欽此欽遵臣嵩伏蒙 聖恩遣命以次該恭捧 皇考睿宗主臣等竊惟 皇考廟路稍遠每遇禋享 太廟合令司設監恭設神輿于 睿宗廟丹陛下遣官詣後寢捧 主出跪納輿中太常寺官前導至 太廟門外遣官跪出 主恭捧與 群廟主同入廟祭畢遣官捧 主

出太廟門外仍納 主陞輿還廟奉安神床訖叩頭而退 臣等理合題請伏乞 聖明裁定著爲定式以後 欽遣捧主官并內外各衙門官員永爲遵守嘉靖十七年十月日奉

聖旨是凡奉 主陞降輿太常寺官二員佐捧 主官供事守爲定式

豐坊請定不遷之宗覆議

該揚州府通州同知致仕豐坊奏古之王者祖有功而宗有德皆不遷之廟也是故有不遷之祖必有不遷之宗近奉明詔以 文皇帝功兼創守加尊爲成

祖而未言當以何廟爲不遷之宗或者有司之未遑也臣考之周人以后稷配天于郊是不遷之祖也文王配帝于明堂是不遷之宗也臣前議伏謂 皇考獻皇帝比德文王當稱宗以配上帝今旣配帝矣則當如文王爲不遷之廟無疑抑又思之 憲宗純皇帝 皇考之父也 孝宗敬皇帝 皇考之兄也 憲宗御世二十三年 孝宗御世十有八年敬天法祖恭儉愛民聖文神武四海攸歸深仁厚澤萬類均被本朝太平之盛有無過於成化弘治之時較之商之三宗漢之七制實遠邁焉臣愚竊謂 太祖 成

祖當爲本朝不遷之二祖 憲宗 孝宗 睿宗當  
爲本朝不遷之三宗庶幾 五聖功德之隆益彰于  
萬世 皇上追宗之孝益著于萬全矣伏望 皇上  
斷自聖心考古定議著之令甲詔示天下以爲 聖  
子神孫萬世之規等因節奉 聖旨該部看了來說  
欽此抄呈到部 臣等議得古者不遷之廟所謂祖有  
功而宗有德者也殷人祖契祖湯而有太甲太戊武  
丁爲宗周人三昭三穆之外有文武世室漢高帝爲  
太祖而孝文孝武孝宣爲宗光武爲世祖而孝明孝  
章爲宗唐之高祖太宗玄宗肅宗憲宗宋之太祖太



宗真宗仁宗高宗孝宗廟皆不毀此古事之可據者也近者 皇上明詔以 文皇帝功兼創守加尊爲成祖而未言當以何廟爲不遷之宗此今事之難預擬者也若夫 皇考獻皇帝稱宗配帝當爲百世不遷之廟昨者 臣等則嘗言之矣 臣等曰古者嗣世之君有賢聖功德者則其廟難以世拘必別立廟以爲世室不在三昭三穆之數夫我 皇考躬集大命篤生 元聖佑啓後人既有世德宜享世祀他日當遷之期奉爲百世不遷之廟確然無疑此非 臣等之臆見也乃天下之公言也豐坊建議謂當合 憲宗純

皇帝 孝宗敬皇帝爲本朝不遷之三宗夫 憲宗之深仁厚澤海宇豐享 孝宗之恭儉仁恕臣民愛戴定議專祀比隆殷周上媲 二祖要亦未爲無見但臣等切詳昔周公制禮之時文王武王尚爲昭穆近廟其爲世室特起於數世之後蓋都宮之內昭穆匪虛親盡則祧匪祧則奉于特廟茲 列聖未及親盡之時又 本朝神聖代作巍乎功業煥乎文章遠邁商三宗漢七制似未可遽斷自 憲 孝二宗而止特祀之典來世 聖子神孫至孝之君知禮之臣必有能以至公之論嗣而行之者臣等質考古義竊

謂不遷之宗有難以今日預擬者仰惟 皇上聖鑒  
淵澄見禮精到伏乞 聖明俯賜裁之

### 列聖忌祭儀

該<sub>臣</sub>嵩於 文華殿面奉欽定 列聖忌祭禮儀恭  
捧到部<sub>臣</sub>等切惟記曰君子有終身之喪忌日之謂  
也故忌祭之禮於祀爲重我 國家凡遇 祖宗忌  
祭于奉先殿行禮 列聖具在似於莫獻未便茲我  
皇上特加釐正恭以 太祖高皇帝 高皇后忌  
日祭行于景神殿示有尊也 列聖帝后忌日祭行  
于永孝殿示有別也是誠得禮之當而盡敬之實<sub>臣</sub>

等謹將忌祭儀節恭錄上進伏候命下遵行 一五

月初十日太祖高皇帝忌祭八月初十日高皇后忌

祭俱于景神殿行禮用牲醴酒果香幣服用淺淡色

太常寺官供祀先期三日本寺具奏請欽定大臣陪

拜 一列聖忌辰俱于永孝殿行禮

遷奉景神殿神位祭畢仍還殿

是日 上至景神殿東門內 上降輿導引官導

上由左門入至殿左陛上典儀唱執事官各司其事

內贊奏就位典儀唱迎神內贊導 上至香案前奏

上香訖奏復位奏四拜典儀唱奠帛行初獻禮內贊

導 上至御案前奏獻帛奏獻爵訖奏復位奏跪贊

讀祝訖奏俯伏興平身典儀唱行亞獻禮終獻禮儀初獻惟不獻帛讀祝內贊奏四拜典儀唱讀祝官捧祝進帛官捧帛各詣燎位內贊奏禮畢上還宮嘉靖十八年

五月初八日奉

聖旨是着著爲令

南宮奏議卷第十三

南宮奏議卷第十四目錄

陵寢

奉祭 聖蹟亭儀

看議 陵殿門名

長陵改題 成祖聖號碑

奉 諭更定 各陵妃配祭

請 御製 各陵碑文

請 御製 皇陵 祖陵碑文

覆請 御製 皇陵 祖陵碑文

顯陵忌祭并春秋二祭事宜

議罷 顯陵歲暮祭

顯陵明樓碑改題 尊號

條陳興都事宜覆議

護養陵山樹木覆題



南宮奏議卷第十四

鈴山堂集五十四

陵寢

奉祭 聖蹟亭儀

嘉靖十七年四月初一日該內閣傳示 聖諭 太宗奉祭于新亭還宜一往七日發京至沙河可示嵩具儀來欽此臣等仰惟 天壽山之東平臺山者昔我 太宗文皇帝駐蹕之所歲久蹟湮逮我 皇上躬修陵祀周覽山原追惟 皇祖陟降于茲永懷謨烈之光式展繼承之孝特勅工曹恭建 聖蹟新亭侖與增華巖巒改觀真聳一代之鉅瞻垂萬世之不

構者也維時落成特舉禋祀臣等欽遵聖諭行據  
欽天監選到奉祭吉辰於本月初十日吉謹叅酌謁  
陵禮儀議擬上請伏乞聖明裁定勅下施行一  
太常寺備辦告廟及祭聖蹟亭祭品如常儀翰林  
院撰告祭文錦衣衛設丹陛儀衛扈行兵部奏請簡  
命文武大臣居守京師請勅行事及奏請直守皇城  
四門京城九門分調提督武臣把守各山口關隘選  
點扈駕軍馬奏差科道官點開戶部照例關給扈從  
官軍行糧工部差官隨宜修理橋道光祿寺隨處預  
備御膳供具教坊司官備奉大樂以從一扈從官

五府六部都察院通政司大理寺正官司屬官各一員太常寺鴻臚寺堂屬官光祿寺太僕寺卿翰林院學士并日講官國子監祭酒順天府府尹六科官六員十三道官十三員從官在途供事以便衣朝叅用吉服 一前期一日 上告廟畢還宮初七日早免朝 駕發由長安左門從官前行居守官同文武百官俱吉服趨德勝門外候送駕過退是日 駕至沙河昌平州官吏師生耆老人等俱跪迎道傍 駕過退 駕至行宮進膳畢陞座從官朝見叩頭禮如常儀初八日早從官朝叅事畢鴻臚寺官引昌平州官

吏師生及公差有事官員見行五拜三叩頭禮朝罷  
從官先行至天壽山行宮候駕駕發至天壽山  
紅門上降輦由左門入駕至行宮進膳畢上  
出陞座從官行叩頭禮禮畢退初九日早從官朝參  
奏事如常儀是日本部官率太常寺官俱詣聖蹟  
亭陳設初十日早免朝以質明上具翼善冠黃袍  
乘輿至平臺山麓降輿導引官導上登詣聖蹟  
亭典儀唱執事官各司其事陪祀官就位內贊奏就  
位上就位內贊導上至香案前奏上香上三  
上香訖奏復位上復位奏迎神大樂萬歲樂奏四

拜

大樂天香鳳韶傳贊百官同典儀唱奠帛行初獻

禮

細樂水龍吟內贊導上至案進帛官捧帛跪進

于

上右奏獻帛上獻帛捧爵跪進于

上右奏獻爵

上獻爵訖奏復位上復位奏跪

贊百官皆跪

贊讀祝讀祝官讀訖奏俯伏興平身

樂水龍吟

傳贊百官同典儀唱行亞獻禮

吟

內贊導上至香案前奏獻爵訖奏復位典儀唱

行終獻禮

細樂水龍吟儀同亞獻贊四拜興平身

贊百官同

奏送神

祝進帛官捧帛各詣燎位捧祝帛官出奏禮畢從官

俱吉服於平臺山麓平迤處序立陪祀祭畢先行趨  
赴行宮候駕 一每日早從官朝叅如常儀 一  
回鑾日免朝從官先行至沙河行宮候駕駕至行  
宮從官行叩頭禮如常儀次日早朝叅奏事畢鴻臚  
寺官引昌平州官生辭行禮如前儀朝罷從官先回  
駕由德勝門入文武百官及軍民耆老人等俱於  
門外迎候居守文武大臣伏謁駕前致詞行叩頭  
禮教坊司大樂鼓吹振作駕入告廟謁皇太  
后禮畢還宮

看議陵殿門名

嘉靖十七年二月二十七日該大學士夏言欽奉

御筆更定 陵殿門名隨蒙面諭令禮官講臣再加

議擬如有可否令其各據所見來聞欽此傳示臣等

仰惟 皇上追崇 列聖修飭 諸陵功鉅制隆聿

增煥麗真聖人繼述之大孝也茲者 鑾輅躬臨特

修春祀周覽之餘親攄 睿思更定 陵殿門名以

殿曰祔恩殿門曰祔恩門臣等謹按載籍祔者祭名

也又曰福也有祭而受福之義焉又曰靈也有神靈

昭著之義焉恩即罔極之意以爲春秋祭祀以報本

源鞠育之恩 欽定祔恩二字允爲精當仰惟 皇

上聖學精微孝思深遠高出百王之上永垂萬世之  
觀臣等不勝欽仰悚歎之至具本題覆以聞

長陵改題 成祖聖號碑

該武定侯郭勛題 長陵碑文 皇上欲用木廂碑

身刊刻 祖號非萬年長久之計宜磨平從石重書

等因奉 聖旨禮部翰林院看議來說欽此臣等欽

遵看議得 文皇帝長陵尊號碑蓋自 文皇帝升

遐之後 昭皇帝所恭上者顯文深刻燦如日星千

萬世聖子神孫所當崇寶無數者也昨者 皇上追

念我 文皇帝偉烈駿功尊稱 祖號適秋祭山陵



恭以更題陵碑告聞 皇祖周覽徘徊不忍刮傷舊  
號顧諭勲輔欲用木廂碑身刊刻 成祖聖號臣等  
竊歎 聖裁允當蓋今日之鴻號有加先朝之舊題  
無毀也武定侯郭勲冒昧上言徒執已見之偏詎知  
聖孝之大自謂納忠而不知其言之失禮者矣伏  
望 皇上勅下所司欽遵 聖諭將陵碑用木如式  
廂製刊刻擇吉奉安則我 皇上秉禮孝思之誠足  
以昭格 二聖而允垂於萬世矣嘉靖十七年十月  
日奉

聖旨是着工所速造完木片恭安

奉諭更定各陵妃配祭

嘉靖十七年八月二十六日該本部尚書臣嵩面奉  
聖諭成祖東西井二妃墳并憲廟十三妃墳  
俱宜各立石碣表識又金山各妃墳所之祭俱宜併  
入天壽山各陵殿置設木位配祭其金山墳祭罷  
之欽此欽遵案查嘉靖十五年該本部尚書夏言已  
經奉有聖諭題奉欽依通行工部及太常寺欽  
遵去後今奉前因行該太常寺回稱各廟妃號前  
來是陵一十六妃獻陵四妃景陵七妃俱謚  
號無存歲時但以几案設祭仁廟三妃宣廟一

妃 英廟十八妃 憲廟皇貴妃一妃十二俱謚號  
開列明白臣等切惟 皇上即今恭舉 山陵秋祭  
列聖諸妃禮宜遵照 聖諭於各 陵殿一體致  
祭但木位未經成造合無暫於每位標設紙位配祭  
惟復行催內外各該衙門作速成造木位完日設祭  
伏乞 聖裁其擬立石碣本部照依先年題准事理  
移咨工部差官恭詣各該墳所逐一相度規制并擬  
立石碣處所畫圖貼說徑自奏請發下所司如式建  
造完日該部仍行翰林院擬名書刻嘉靖十七年十  
月二十二日奉

聖旨 列聖諸妃今次秋祭俱且設几案一體從祭  
陵殿墳所祭以後不必舉行碣石着所司及時建  
立

請 御製 各陵碑文

嘉靖二十一年五月十六日該內官監遞出揭帖內  
開 諸陵工所建造 列聖碑亭并石碑今已蓋造  
完備所據各該撰文書丹鐫石 長陵碑二通 獻  
陵 景陵 裕陵 茂陵 泰陵 康陵碑各一通  
皇貴妃石碣一座東西二井石碣二座等因仰惟  
皇上尊 祖 奉先飭修陵殿茲者恭建 列聖

碑亭厥工告成臣等查得成祖文皇帝聖德神功  
碑文乃仁宗昭皇帝御撰今長陵等陵碑文  
伏請皇上親御宸翰製文鐫石以紀述列聖功  
德垂示于萬萬世其皇貴妃及東西二井碣文合行  
翰林院撰擬伏候明旨遵行本月二十日奉  
聖旨是朕知道了

請御製皇陵祖陵碑文

該直隸鳳陽府同知鄭潤奏臣竊觀泗州祖陵我  
熙祖裕皇帝之玉體歲焉鳳陽府皇陵我仁  
祖淳皇帝之玉體歲焉萬年祚胤皆此發祥國家

根本之重地也我太祖高皇帝即位之初首命官修飭皇陵及即位之後又命官修建祖陵特製碑文一首刊諸穹碑建立於皇陵金門之左王業之艱難世德之淵厚歷歷備陳垂示罔極臣以爲一碑足矣而當時又立一碑於其右與左並峙經今一百七十餘年中間雖嘗修理皆未有若我皇上今日工役之大臣竊謂皇陵右碑實天留之以待中興之制雖祖陵原無碑而規模增備固可併識臣願皇上萬幾之暇親御宸翰製爲修理碑文一通簡命善書之臣捧赴陵所登刻於虛碑之上昔有

太祖建立之碑叙述創業之所由始今有 皇上修  
理之碑揚厲中興之所以盛不惟彰我 聖朝之盛  
制而我 皇上之孝思亦衍諸無窮矣等因奉 聖  
旨禮部看了來說臣等看得鳳陽府同知鄭潤奏稱  
皇陵右門虛碑一座乞請 親御宸翰製為修理  
碑文一通捧赴陵所登刻及將 祖陵修理事蹟併  
識於 皇陵碑文內一節臣等仰惟鳳陽府 皇陵  
乃我 仁祖淳皇帝玄宮 太祖高皇帝即位之初  
首命官修飭特製碑文勒之貞石蓋 本朝王業肇  
基胤祚發祥之重地也然歲久陵廟圯缺頃者我

皇上特命官修飭功崇制備祇祀安靈大聖人繼述  
之孝可謂於千古有光矣告成之日禮宜有紀述以  
昭示罔極而陵右舊有亭碑文石一座空豎百七十  
餘年同知鄭潤請乞嗣而成之勒文其上似爲允當  
伏望 皇上親製宸章遣官前去寫書登石則 聖  
祖 神孫天葩睿藻輝映後先傑構穹碑屹峙左右  
真 國家億萬載無窮之偉觀也再照 祖陵在泗  
州與 皇陵隔越雖係重修其實添設補造增益未  
備之制爲多似難與 皇陵重修事蹟併識一文合  
無別製 祖陵重修碑文仍命有司 祖陵豎造碑



亭一座伏乞 聖裁嘉靖十七年二月十二日奉  
聖旨 皇陵勒文并 祖陵建碑事體崇重還着撫  
按官恭詣相度議擬來說

覆請 御製 皇陵 祖陵碑文

該欽差巡撫鳳陽等處地方都察院右都御史周金  
據直隸鳳陽府知府劉安申稱備奉 欽依修理鳳  
陽 皇陵皇城白塔壽春等王墳本職與各工提調  
之責出入禁地仰見金門御路左右各設碑亭一座  
路左一亭乃我 太祖高皇帝御製碑文路右一亭  
一如左制內有碑石與左碑相對未經勒文見今節

奉明命修理廟貌一新斯固足以慰聖祖報本之心彰皇上光前之孝但前碑未勒煩爲轉達請乞御製碑文一通勒於右石等因臣等仰惟皇上留神基本光邁先朝銳意陵園謀貽來嗣其祖陵及壽春等王墳俱在一時崇修如蒙伏望皇上勅下該部查議上請通乞御製碑文各一通頒示建立其皇陵就於前項右亭原石鐫勒以配左亭聖祖御製之文祖陵壽春等王墳亦各建碑亭鐫勒睿藻庶本源懋濬哲之祥宗社永磐石之固中外臣民不勝幸甚奉聖旨禮部看了來說欽此

抄送到司案查嘉靖十七年二月初九日該本部題  
該直隸鳳陽府同知鄭潤奏奉 聖旨 皇陵勒文  
并 祖陵建碑事體崇重還着撫按官恭詣相度議  
擬來說欽此已經移咨都察院轉行彼處撫按官員  
欽遵去後今該前因看得巡撫鳳陽等處地方都察  
院右都御史周金巡按御史蘇叢會題稱 皇陵修  
理工完金門御路左右各有一亭其左亭碑文乃我  
太祖高皇帝宸翰親製在右一碑尚空及 祖陵  
壽春等王墳俱一時崇修乞要通請 御製碑文各  
一通 皇陵就於前項右亭原石鐫勒以配 聖祖

左亭

御製祖陵壽春等王墳亦各建碑亭鐫勒睿

藻一節

臣

等仰惟

皇上重修

皇陵

祖陵告成

之日宜有碑文紀述大工光揚祖烈昨該同知鄭潤  
建議本部題奉欽依備行撫按官恭詣相度議擬去  
訖今撫按官亦各具題前來謀議僉同勒文垂世委  
爲一代盛典伏望俯從所請 親製睿文遣官勒石  
其建設規制仍遵前 旨備行各官恭詣相度務求  
精當仍備細畫圖貼說以呈 御覽其壽春王墳應  
否另製碑文紀述 臣等未敢擅擬伏乞聖裁嘉靖十

七年四月初二日奉

聖旨知道了文著翰林院撰擬來

顯陵忌祭并春秋二祭事宜

照得嘉靖十八年十二月初四日恭遇 皇妣慈孝

獻皇后周年該本部題稱遣官顯陵致祭等因奉

聖旨 皇妣二次祥祭朕同后妃詣几殿慈容前致

祭一壇 顯陵之遣少待各王府著照例差官詣陵

致祭仍著奏回欽此臣等仰惟 慈聖上仙奄踰一

載 皇上裁正典禮恭率 后妃特舉 几殿一祭

仰見 聖孝純誠情文兼備臣等不勝欽服之至除

顯陵遣官恭候明旨外但以後年歲忌辰之祭未

經定有常典查得每年六月十七日 皇考睿宗獻  
皇帝忌辰十二月初四日 皇妣慈孝獻皇后忌辰  
例該 顯陵致祭合無就於湖廣地方 欽差勲戚  
大臣內簡命一員行禮伏乞 聖裁欽降祝文一道  
著為歲例以便遵行再照 顯陵奉祀蔣華今已陞  
都督僉事專一奉守陵寢則一應祭祀必須設官分  
理查得 天壽山諸陵各設奉祀一員應合比照前  
例 顯陵增設奉祀祀丞各一員伏候命下本部行  
令太常寺考選吏部照例銓補前去供事庶官備祭  
嚴足慰我 皇上篤親之念矣本年九月二十六日

奉

聖旨是顯陵 二聖忌日并春秋二時祭祀歲遣鎮守湖廣勲臣行禮如有故着都督僉事蔣華代永爲定例奉祀官遵制增設

議罷 顯陵歲暮祭

祠祭清吏司案呈該欽差守備湖廣承天府等處地方內官監太監傅霖題奉 聖旨禮部看了來說欽此案查嘉靖十七年九月內該欽差巡撫湖廣都察院右副都御史顧璘題稱純德山 顯陵祭品繁瑣不典奠獻儀注疎簡無章乞要將純德山比照天壽

山 顯陵比照 長陵等陵各祭祀行禮并將品物  
禮儀須降儀注遵行等因該本部具儀畫圖題奉  
欽依遵照去後今該前因行准太常寺手本回稱查  
得 長陵等陵每年止是元旦清明中元霜降冬至  
舉祀原無歲暮祀典惟是奉先殿每年四立歲暮有  
五享禮等因案呈到部爲照 顯陵與 長陵等陵  
事體相同隆慶殿與奉先殿事體相同歲時祭享已  
有定儀今隆慶殿既已如例舉歲暮之祀則在陵殿  
不必瀆舉所據太監傅霖乞要增添顯陵歲暮祭祀  
似難創議伏乞



聖裁嘉靖二十一年四月三十日奉  
聖旨長陵等陵既無歲暮祭不必增

顯陵明樓碑改題 尊號

該工部左侍郎兼都察院右副都御史顧璘題臣等  
奉命督理 顯陵大工見造寶城等處恭覲顯陵明  
樓碑額原題 恭睿獻皇帝之陵邇者仰惟 皇上  
篤孝追尊已上我 獻皇帝謚號曰知天守道洪德  
淵仁寬穆純聖恭儉敬文獻皇帝廟號睿宗前項碑  
額相應改題又覲明樓舊碑堅厚完固似亦不必更  
換乞勅禮部查議行下臣等將見題 聖號從新磨

龔仍乞差善書中書一員前來改題 廟號以垂萬  
世惟復別賜定奪等因奉 聖旨禮部看議了來說  
欽此看得工部左侍郎顧璘題稱 顯陵明樓原題  
碑額今 獻皇帝廟號睿宗相應改題及覩舊碑堅  
厚不必更換乞要磨龔差中書一員前去改題一節  
臣等仰惟 皇上大孝尊親更薦我 皇考睿宗廟  
號所據 顯陵尊號碑禮應改題以昭揭萬世但昨  
者 天壽山長陵改題 成祖陵碑 皇上以不忍  
刮傷 皇祖舊號欽定用木裝廂碑身刊刻允爲善  
美今 顯陵舊碑堅厚完美應否磨治或恭照 成

祖陵碑例仍用廂木恭書伏乞 聖明裁奪勅下本部行令所司欽遵施行仍行翰林院撰祭文本部差官齋捧香燭制帛前去擇吉奉安仍乞欽命重臣一員致祭行禮嘉靖十八年十月十七日奉

聖旨是顯陵碑依恭照 成祖陵碑製更題 聖號  
條陳興都事宜覆議

該欽差工部尚書兼都察院右副都御史顧璘題臣  
誤蒙 聖明委督興都大工仰荷 皇上大孝格天  
神人協相十餘大役次第告成今 顯陵永奠 舊  
邸鼎新內外備官文武陳列實與南北二都同其體

勢孝長七陵並其奠安矣然創業至難守成匪  
易恭惟我皇上神謨睿筭垂統開先造此大業以  
比隆我太祖成祖二聖者既無不備良法美意  
貽謀啓後保此大業以求貽我聖子神孫萬世者  
又無不周臣在郢督工三年及奉命纂修興都志遂  
得備觀規模之洪大究考文理之精詳然咨詢或有  
所聞籌思或有所得不敢隱默畢陳于上亦使臣  
之常職也故敢效其一念之愚伏惟聖明垂覽勅  
下該部議立永久之制以爲保業之助臣不勝幸願  
除繕修宮殿護養樹木二事另有專疏外謹將後開

十事題請等因奉 聖旨該部看了來說欽此看得

工部尚書顧璘條陳興都事宜關係國家典制相應

議處<sub>臣</sub>等謹逐一擬議上請伏乞 聖裁勅下遵行

一定舊邸之官守竊照南京內府自成祖北遷

京師而殿門官守常秩如故今興都 舊邸一應供

御之物悉同大內其守把官員俱宜與兩京內府同

體 前件看得興都舊邸委與南京內府事體相同

其大內門禁合行彼處守備太監查撥相應內臣看

守關防其 內府供御等物及犯禁罪例合行彼處

撫按衙門申明禁約 一正廟祀之樂章<sub>臣</sub>時節陪

祭陵廟每聞樂工唱奏神懽之曲考其歌詞殊爲鄙俚甚非尊崇之道我皇上前歲大狩上陵聖製歌詩皆永慕孝思之發蓋二聖之所歆鑒乞勅禮部轉行翰林院按諸音節製爲樂章發仰樂官肄習凡於陵廟祭祀奏以享獻前件看得顯陵與天壽山諸陵事體相同而諸陵歲祀原不用樂

隆慶殿與奉先殿事體相同而奉先殿舉祀亦不用樂所據請撰興都陵殿樂章似難創議一專祠祭之供祀臣竊覩皇上虔奉陵廟設立祠祭署選奉祀二員祀丞一員專理祭祀臣每陪祭更不見所

理何事至於隆慶殿早午進膳不知原屬何衙門  
辦理亦不見有職官監造乞勅禮部轉行布政司分  
守荆西道備查設官供祀本意議定各官職任查出  
本署通有幾項供事人役某官管理何事某役治辦  
何物至於祭品祭器一應纖悉等事俱令各有攸司  
務致精潔前件看得祠祭署奉祀祀丞職專供事  
陵寢其隆慶殿早午進膳亦必有司香內官在  
彼專司其事據稱見無職官供奉合行彼處守備太  
監備查如果缺官即便選撥相應內官專一供奉進  
膳其祠祭署原設官校合行彼處分守道着落各供

職役不許怠悞 一崇郢梁之護奉爲照郢梁二王  
先前殞絕遺有墳墓舊屬內官看守至今年遠老絕  
止是校尉管山而已且歲時莫獻王妃神位不宜外  
人瀆近乞勅司禮監議行守備太監比照岳懷王墳  
事例量撥一二員前住守以供香火 前件看得  
郢梁二王墳塋原撥看守內臣年遠事故見今止遺  
校尉看管欲乞勅下司禮監行守備太監查撥陵廟  
司香多餘內臣前去看守合候命下備行司禮監查  
議奏請施行嘉靖二十一年三月二十三日奉 聖  
旨依擬



護養陵山樹木覆題

臣等看得工部左侍郎顧璘題稱 顯陵周圍紅墻  
舊松柏近神路者皆已鬱葱遠在山坡等處蓬蒿蒙  
翳乞要於松柏缺欠之地逐年補種每至秋冬芟治  
一節 臣等議得 顯陵廼 二聖安神重地昨者

聖駕躬臨奉瞻寶山神路往歲所植松柏曾未十年  
俱已蒼然挺茂盤鬱青葱拱護 聖陵足占王氣所  
據各山坡處所松柏缺乏委宜種補其蓬蒿荆棘雜  
樹委宜芟修毋令蔓繁以妨嘉木本官以事干 陵  
寢之重未經奉 旨所以題奉前來具見敬慎合候

命下行令彼處內外守備官員恭詣陵山逐一踏勘  
應該補種芟治之處徑自議處以後年分如遇雜木  
長茂蒙翳聽令奏請芟修施行嘉靖十八年十月十  
七日題奉

聖旨陵山松柏缺少處着逐一補植應芟治的內外  
守備官便會同在工官踏勘從宜芟除以後松柏既  
成一枝一柯不許擅動

南宮奏議卷第十四